


www.BibleForChildren.org

Matayo 26



Gakaigala
machoba sita
kube Mpapala
gwa Pasaka, Yesu
ngajenda kukilambo
cha ku Betania kachakwe
Lazalo ojwannyoya Yesu
kuboka kwa abawile. Bai
Maliamu ngatola chupa cha mauta
gabei, ngampakaya Yesu mumakongono
nukuungula kwa nywili yakwe. Unyumba
mwoa nginungila luumba lumauta.



Kubokapenia Yuda Isikalioti, jumwe kati ja akinapunji komi na abena, ngajenda kwa akakung'i akolongwa ibe anng'aluke Yesu kwabe. Akakung'i akolo ngabaalalila apabajoa nhwalo gwenio, nu kulagila kumpe uloi jwenio. Penia Yuda ngabe akapala ndela ju kunng'aluka Yesu.



Akinapunji ngabatenda andi Yesu
apabalagila, ngabapangania
mpapala gwa Pasaka. Pabakiba
bakalyaga, Yesu ngatola nkate,
ngannumba Nnoongo, ngaumetula,
ngabape akinapunji bakwe nu
kulenga, “Ntolange nnie, gongo nga
mmele gwango.”



Kabe ngatola kikombe, ngalumba,
ngabape akalenga, “Nnywegange
mmoa,” “Jenje nga myai jango
ejibeka kipola lilagano Iya
Nnoongo, myai ejichalakicha
malagano ga bandu ajingi ibe
balekekeigwe mabaja.”



“Simoni, Simoni! Mpenikie! Lichetani lipala lijeketeligwe kuntega mangweto, kuambugana gambone kube mabaja, andi mundu apaeba ngano. Nambu nenga nannyopile ibe imani jinu jakaobaje. Na mwenga apampakumujila, balimbe moja akanunabinu.” Petulo ngannyanga, “Angwana, nenga mbi laachi kujenda pamwe na mwenga kukipungo, na ata kuwe.” Yesu ngannyanga, “Na nnenge mwe Mapetulo, tango nkokoloko kubekaje leleno mpakungana patatu.”




Penia Yesu ngajenda pamwe
na akinapunji bakwe paali
apakemigwa Getisemani,
ngabalenge, “Ntamange
pamba ne nyenda papa
kugongalela.”

Ngagongalela, “Awabango,
kwinu kila kilebe
kuwechekana. Umokeye
kikombe chenje
chukupotekigwa. Nambu
ikabe anda apambalaje,
nambu pampala mwenga.”



Bai Yuda ngato kikundi cha manjolinjoli na akalenda kuboka kwa akakung'i akolo na Mafalisayo, ngaika nabo pabositani bapotwi muli, niimbelembele na chilaa. Na jumwe kati ja akinapunji ngamputa upanga mmanda jwa akung'i akolongwa, nganhweketa lichikilo lyakwe lya kalelo. Nambu Yesu ngalenga, "Nkotoke! Bai." Ngalikunyula lichikilo lya mundu jwenio, ngalilamia.



Penia ngabampukila, ngabantola nu kujenda nakwe ku nyumba ja Nkung'i Nkolongwa. Petulo akiba akakengama unyuma kutaali. Mwoto bakakungana mu uwa, na Petulo akiba pamwe na abatamangite kujota mwoto gwenio.



Jumwe jwa akapakachi
ba Akung'i Akolongwa,
nnongo gwa
ojwaeketigwa lichikilo
na Petulo, ngankonya,
“Bo, mwe namwenije kukijongo
pamwe na jwenio?” Petulo ngakana
kabele, kingobutu nkokoloko
ngabeka. Penia ngapita
panja ngaguta muno.





Penia nkengeni gwoa ngujema,
ngugumpeleka Yesu ku Pilato,
ngabatumbula kuntakiana bakalenga,
“Tankolela mundu jonjo akaaoya
bandu bito, bakanakia bandu kulepa
kodi kwa Nkolongwa jwa
Loma nu kukikema eti
jwombe nga Kilisto
Nkomboi ojwapambuligwe
na Nnoongo.” Pilato


ngankonya Yesu, “Mwe nga
Mangwana ba Akayahudi?” Yesu
ngajanga, “Mwe nnengite.” Pilato
ngapala kunnekekea Yesu,
penia ngalongela nabo kabele.




Penia, Pilato ngankamuya Yesu
mumaboko ga Akayahudi kupala
bammambe munchalaba. Bai
ngabantola Yesu. Na jwenio ngapita
panja kongo apotwi nchalaba gwakwe
kujenda paali papakemigwa “Kitongo
cha Mutwe” Kwa kilonge cha
Akaebulania ikonda Goligota.



Penia nga pabammamba Yesu, uyo
bakabamba bandu bange abena, jumwe
kingonu cha kalelo na jonge kingonu
chakwe cha kangeja,
Yesu panakati jabe.



Ikiba anda saa sita ja mui, lichoba ngilileka kujaka na
lubendu nguluekelela dunia joa mpaka saa tisa, panjia
ejikiba jibekigwe panakati ja Nyumba
ja Nnoongo ngijipachuka ipande
ibena kuboka kunani mpaka
pae. Yesu ngaguta kanonoya,
“Awawa, mukuboko jinu
nubeka mwojo gwango.”
Apajomola kulenga
genia ngajomoka.



Yene ngaika Yusufu mundu ju kilambo
cha Alimatayo, akiba jumwe kati
ji kikuta kikolongwa jwapata
ichima muno. Jwombe uyo
alendela kuika kingwana
cha Nnoongo. Penia
ngannyendele Pilato
pangajogopa
ngajopa bampe

mmele gwa Yesu
Pilato ngaomongwa
kujoa kita Yesu
ajomwike.



Yusufu ngaemela ngobo
nhuu ja kitani ngauluya
pae mmele gwa Yesu
ngaubiligila chanda.
Ngaubeka mulikabuli
elikiba liembigwe
piliganga,
kubokapenia
ngalipilimbua libwe

likolongwa nnongi
ja nniango gu
likabuli.




Malabo jakwe, lichoba elikengima
elikiba Iya Kupomolela, akakung'i
akolo na Mafalisayo
ngabannyendelela Pilato,
Ngabalenga, "Ananhota,
tubiukombokela
kutenda jwajo
nhwangi pakiba
mmomi alenga,

'Kuboka
pa


machoba
matatu
mahyoka.'"



Yenie ngabajendanga, ngabalilendela
likabuli, ngabalimatila
libwe lela na kaleka
penia akalendei
bakalenda.




Kuboka pi Lichoba li Kupomolela,
papipi nu kuche gi lichoba lya
jumapili, Maliamu
Magidalenana Maliamu
jonge ngabajendanga
kulola likabuli lela.



Kingobucho ngukupitila kulendemela
kukolongwa kwa lutope, mpakachi
jwa Angwana ngauluka
kuboka kumbengu,
ngalipilimbua libwe
lela, ngalitamila.
Akalendei
bilikabuli lela
ngabalendemela


kwa mbwele
ngolongwa, na
ngababe anda
batekuwe.




Nambu Mpakachi jola ngabalenge
akikege bala, “Mangweto
makajogopaje! Manyi
kutenda mampalanga
Yesu ojwabambigwe
munchalaba. Abije
pamba ayokite andi
palengaga.

Nhwikange nnole
paali

pabammekita.”



Kongo bakajogopa nu kualalila, akikege
benia ngababoka chokwe pilikabuli
ngababe na mbwele muno
ngababutuka kujenda kalenge
akinapunji bakwe. Kingobucho,
Yesu ngakongana nabo,
ngabalenge, “Nnumbalile.”



Akikege benia ngabannyendelela,
ngabakilikitila nnongi jakwe,
ngabakamula makongono gabe.



A simple, hand-drawn line in black ink, starting from the top left and curving downwards and to the right, ending near the center of the top edge of the page.

Pukujomolela, Yesu ngabapitila akinapunji bakwe komi na jumwe ogubakiba bakalya. Ngabakalapila muno angweto, magambu gwangaamini gwabe nu kutauka kwabe, gambu baaminingeje abakiba bammweni kuboka pa kuyoka. Kuboka pa Nngwana Yesu kujomo kulonge nabo, ngatoligwa kujenda Kumbengu nu kummeka kingonu cha kalelo cha Nnoongo.



Magambu Nnoongo atekupapala
padunia pano muno ata ngammoya
Mwana jwakwe jwajika, ibe kila
mundu ojwapakunhwamini
akaweje nambu apate
bwomi gwa machoba
goa pangapela.



Akaloma 3:23

bandu boa balemwite na babi kutaali na kibumo cha
Nnoongo.

Akaloma 6:23

Kwa magambu lipungu Iya mabaja nga kiu, nambu hupo
ejapanga Nnoongo nga bwomi gwa machoba goa
pangapela kukulondana na Yesu Kilisto, Angwana bito.

Akaebulania 9:27

Kila mundu kuwe pakamwe tu, nu kujema nnongi ja
hukumu ja Nnoongo,



Akaefeso 2:8,9

Magambu, kwa gwambone gwa Nnoongo nkomboligwe kwa ndela ja imani. Kile chenye ngiti magambu ga kachana kwinuje, nambu hupo ya Nnoongo. Ngiti kiboke muitendwa yinuje, mundu akalokelokeje kilebe.

Akaloma 10:9,10 Anda nnyeketile kwa kano jinu kube Yesu nga Angwana nu kuamini kumwojo gwinu kube Nnoongo nganhyoya kuboka kwa abawile, mankomboka. Magambu umwojo mundu kuamini mpaka kujeketeligwa kube jwambone nnongi ja Nnoongo, na kwa kano mundu kujeketela mpaka koligwa.



Yohana 3:16,17

Magambu Nnoongo atekupapala padunia pano muno ata ngammoya Mwana jwakwe jwajika, ibe kila mundu ojwapakunhwamini akaweje nambu apate bwomi gwa machoba goa pangapela. Magambu Nnoongo antumitije Mwana padunia pano kahukumu bandu, nambu kakombolanga.

1 Yohana 5:11-13

Nuchaili gwene nga gongo, Nnoongo ngatupe bwomi gwa machoba goa pangapela, bwomi gwenio uboka ka Angwana. Mundu jwajoa ojwanhwamini Mwana jwa Nnoongo akweti bwomi gwenio, jwanganhwamini, akwetije bwomi. Nunhwandikilanga mangweto manhwamini ku lina Iya Mwana jwa Nnoongo mmanyange kutenda nkwet bwomi gwa machoba goa pangapela.



Matayo 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ngindo NT (nnq) © The Word For The World, 2015.

<https://www.bible.com/bible/1674/MAT.1.NNQNT>

©2026 Bible for Children, Inc.

www.M1914.org

www.bibleforchildren.org

